

冒母氏姓貫河內國父族憐之依實上請乃蒙歸本

〔三代實錄清和〕貞觀元年四月三日戊子安藝國采女凡直貞刀自賜姓名笠朝臣宮子隸左京職宮子

中務少丞正六位上笠朝臣豐主之女母雄宗王之女淨材女王○王字原無也大同元年雄宗王以伊

豫親王家人配流安藝國宮子少年從母不知父族貫安藝國賀茂郡凡直氏預采女之貢美濃守從五

位上笠朝臣數道越前守從五位下笠朝臣豐興等證之仍復本貫姓名

〔三代實錄清和〕貞觀五年八月八日戊辰山城國紀伊郡人大炊大屬從六位下秦忌寸比津麻呂復本

姓民伊美吉父市守早死比津麻呂幼少被貫母姓散位從四位下坂上大宿禰正野等上表請復比津

麻呂本姓從之

〔三代實錄清和〕貞觀六年二月二日己未從五位下行越後介高橋朝臣交室麻呂卒交室麻呂者左京

人本姓膳臣又姓錦部信濃國人也五代祖膳臣金持娶信濃國人錦部氏女生男倭於是倭不尋本族

以母姓爲己姓便作信濃國人倭男美造病死五男備前掾正六位上彥公以讀五經侍嵯峨院天長五

年改錦部賜高橋朝臣貫附左京膳與高橋同祖故隨彥公願賜之彥公是交室麻呂之父也○之父也三字原無

據一本補

〔續日本後紀仁明〕承和三年閏五月戊寅右京人內藏大屬百濟連清繼賜姓多朝臣清繼誤負後父之

姓今有落葉歸根之請

養子復姓

〔本朝世紀〕康治二年十二月卅日壬子今日被下左兵衛少尉源則康改姓申文歸本姓狛也件則康曩

祖光高則高光季及光時皆一時名物也殊巧大唐舞曲而則康忽變其道爲主水正源則遠養子是仁

和寺法親王被寵遇之間於院北面加元服卽祇候北面之故也今歸本姓勤俗人之役末代之善政何

事過之哉故件申文被下外記而依大外記師安申狀被下官方了

〔本朝世紀〕天養元年七月廿二日辛未今日少納言藤通憲出家三十九件人拜任少納言之後改高階復本姓藤原依氏神樂云々多年之素